

دین غیر اختیاری بر فلسفه ، فلسفه اختیاری بر دیندر

فلسفه محض و عکس

معارضه حرمت ، لاقیداره مرحمت

تاریخ فلسفه خلاصه‌ای



نظری فلسفه

قونددیاق ، دیدرو ، دولباخ ، وولتر ، روسو

اون سکزننجی عصرک فرانسز فلسفه‌سی اوزرینه لوق ک پک بیوک بر تأثیری اولمشدر . بو عصرده قونددیاق Condillac لوقی کچدی و دهامکمل بر فلسفه حسیه Sensualisme تأسیس ایلدی ؛ حادثات داخلیه‌نک و اونلری تولید ایدن اساسات اولیه‌نک تعیین و تعمیمینه چالیشدی . بولدینی ایلاک اساس حس Sensation ایدی که تبدیل شکل ایدرک هرشیئی ایضاح ایده‌بیلردی . دقت آنجق بر حس حاکم ، تفکر کنیدی کنیدیسی حس ایدن بر حساسیتدی . تصور ایله تصدیق ایسه حسارک اختلاطاتندن بشقه بر شی دکلردی . شو حالده نفس یعنی «آنا» حسارک بر قولکسیون اولیوردی .

علم ؛ اشیانک اشارتلی اولان حسارک تحلیلی‌در ، هر علم مکملاً تنظیم اولونمش برلساندر . مشهور فرانسز آنسیقلوپدیسنک مؤسسلرندن بری اولان دیدرو ؛ طبیعتی بر کلیت عمومی لوق اوزره تلقی ایدیور و افرادی اونک جزئ‌لری عد ایلویوردی . قانون ، بو طبیعتک عمومی بر نحوی ، بر شکل مبدلی ایدی .

دولباخ D'Holbach و لامه‌تری Lamettrie بو عصرده ماده مسلکینی تعلیم ایدیورلر ، وولتر Voltaire ، بوفون Buffon ، مونته‌سکیو Montesquieu ، تورغو Turgot ، روسو Rousseau آز چوق برر رابطه ایله معنویه Spritualisme مسلکینه مربوط بولنیورلردی .